



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Annales Mariani Societatis Iesv**

**Nádasi, János**

**Romæ, 1658**

Anno MDCXX.

**urn:nbn:de:hbz:466:1-42840**

cum Dauidē ad DEVM clamante: *Seuus tuus sum ego: da mihi intellectum*. Postea P. Martinus durissimū quendam peccatorem Deiparę ope sanctę domitium vidit in India; id quod ego alias breuiter scripsi. *Dissolue*, clamat ad hanc Virginem S. Ioseph Gręcus, *dissolue durissimum callum animę meę. animę meę pupillas illumina incuria obscuratas, & tenebras negligentię profundissimas, quibus semper inuolutus sum*.

599 P. Nicolaus Susius de B. V. scripsit eam quę postea anno 1620. Antuerpię impressa est Disceptationem quodlibeticam *De pulchritudine B. V.* Multa ibi eruditę de pulchritudinis bono, quod negat negandum esse DEI Matri a DEO, prę omnibus, omnis boni dote luculenter ornataę: quippe cū ex Augustino Pulchritudo sit donum DEI. De hac affert illud Cumanę Sibyllę: *hęc alias forma præcesserit omnes*. & illud Nazianzeni: *Tu virginum longę omnium pulcherrima*. De hac Epiphanius: *Natura formosior est ipsis Cherubim, Seraphim, & omni exercitu Angelico*. Albertus Magnus: *Habuit summum, & perfectissimum in pulchritudine quod potuit esse in mortali corpore. Pulcherrima, & speciosissima inter filias hominum*. Dionysius: *Totum in illa fuit pulcherrimę, ac speciosissimę operatum*. Eiusdem sunt *Elegię Mariane* perelegantes, ac pię. vbi velim hac occasione aduertas, plurimos esse de Societate qui Elegias, Epigrammata, odas, orationes, conciones de B. V. impressere, quos hęc percensere nimis longę operę labor esset. P. Sabinus Chambers Anglus, hoc anno Anglicę conscripsit Audomari editum *Hortum B. V.*

ANNO MDCXX.  
600. Hoc anno Hispali cuiuspiam de Societate industriã ad calcem Catechismi P. Ledesma impressa sunt documenta ę quibus aspirationes de CHRISTI  
vel.



vel Beatissimæ Virg. vita depromuntur, do primas in exemplum. *Æterne Pater, per infinitum illum amorem quo Filium tuum Matri illius sanctissimæ, ac nobis dedisti: da nobis gratiam, ut excelsum hoc beneficium eo quo par est sensu prosequamur.* Pater noster.

Aspiratio-  
nibus ex  
eius vita  
deproptis  
illam co-  
lere.

I. *Virgo Sanctissima, per purissimam tuam sine peccato originali conceptionem, impetra nobis veram corporis, & anime puritatem.* AUE MARIA.

II. *Virgo sanctissima, per gloriosam Natiuitatem tuam impetra nobis gratiam, ut incipiamus Filio tuo serio ac verè seruire.* AUE MARIA.

III. *Virgo Sanctissima, per deuotam in templo Presentationem tuam te rogamus ut nos in numerum verorum tuorum filiorum, seruatorumque admittas.* AUE MARIA.

IV. *Virgo Sanctissima, per rara illa virtutum exempla qua constantis tuis in templo dedisti, impetra nobis gratiam te vere imitandi.* AUE MARIA.

V. *Virgo Sanctissima, per illud Virginitatis votum quo te DEO consecrasti, impetra nobis perfectam puritatem.* AUE MARIA.

VI. *Virgo Sanctissima, per admirabilem Angeli annunciationem de Incarnatione diuini verbi factam, impetra nobis gratiam ut eo quo par est animi sensu ineffabile illud mysterium prosequamur.* AUE MARIA.

VII. *Virgo Sanctissima, per illam gratiam qua DEI Filius in Virgineis tuis visceribus homo factus est, impetra nobis amorem & desiderium pro illo patiendi.* AUE MARIA.

VIII. *Virgo Sanctissima, per inflammatam illam charitatem qua S. Elisabetham visitasti, impetra nobis ardentem erga proximum charitatem.* AUE MARIA.

IX. *Virgo Sanctissima, per magnam illam securitatem atque fiduciam, quam in DEO habuisti dum te sponsus.*



*sus tuus Ioseph vellet dimittere: impetra nobis illam fiduciam in ijs que patimur. AUE MARIA.*

*X. Virgo Sanctissima, per humilem illam obedientiam qua vt edito Casaris pareres, ex Nazareth in Bethleem es profecta: impetra nobis illam erga eos qui nobis presunt obedientiam. AUE MARIA.*

Sic secundam, tertiam, quartam, quintam, sextamque decadem, partitè distributis vitæ CHRISTI mysterijs, per modū aspirationis exornat, vnâ vbiq; virtute petitâ, & pronunciatâ salutatione Angelicâ.

601 Hoc anno S. P. Ignatius conspectus est supplex preces nostrorum Beatissimæ Virgini Matri offerre. Hoc agunt ij qui sæpè vniuersæ Societatis, vota, preces, lachrymas augustissimæ cæli Regine offerunt vt illa Societatem vniuersam materno suo sinu conditam offerat SSS. Trinitati. Hinc etiam ea Deiparæ colendæ ars disci potest, vt ea quæ in honorem DEI Matris agimus, Angelis, cæli ciuibus & particulatim S. Patri Ignatio, offeramus; ab illis Matri misericordiæ offerenda, & vel sic plus precij habitura. Totum, inquit D. Fulbertus Episcopus Carnotensis, totum mentis ingenium figite in præclare Virginis superna illa festa in quibus diutina laude ab Angelis festiuis honoratur seruitys. Procurate Principem vestram festiuis laudibus & operibus prosequi. Scripsit P. Octavius Caietanus Origines illustrium ædium SSS. Matris MARIE in Insula Sicilia.

*Per S. P. Ignatium offerre Societatis preces B. Virgini.*

*Incit. nu. 180. serm. in ortu B.V.*

*Aspirationibus ad B. Virg. suspirare.*

602 P. Bernardinus Zanonius nonagenariam fere ætatem hoc anno morte conclusit Genuæ. Docebat quendam orandi, seu breuiter ad B. V. aspirandi modum ex illius vita decerptum, quem etiam typis impressit. Gloriosissima, inquit, Virgo, Mater tui creatoris admiranda &c. per benignum illum aspectum quo te ab æterno respexit DEVS, Monstra te esse



esse Matrem, & impetra nobis humilitatem perfectam. *Aue MARIA*, &c. Per omnia dona quæ tibi ab æterno destinavit Deus: Monstra te esse Matrem. *Aue MARIA*. Sic per singulos vitæ gradus, vsque ad Assumptionis gloriam, illam deducit, obsecrat, & salutat, aliquam ubiq; virtutem petens, in eodem libro addit multa & egregia de meditatione ac imitatione virtutum B. V. per omnia vitæ mysteria. Addit octo beatitudines ab illa possessas: sensus B. V. internos & externos nobili modo expendit, vt se erudiat.

Multa ibi de capite, oculis, auribus, pectore, B. V. Ad cor sic habet:

Laudo, benedico, saluto, reuereor summâ quâ possum reuerentiâ sacrum illud tuum, & gloriosum cor semper ardens erga Patrem, & Filium; erga proximos, etiam inimicos: petoque à te illam quam tu habuisti memoriam passionis IESV ad gloriam SSS. Trinitatis. Sit nobis cordi *cor. MARIA*, illi omnia nostra offerendo in nomine tantæ Matris: & per hanc, Filio. Ita S. Petrus Archiep. illius honori agebat singula cum comederet, scriberet, studeret, oraret: vnde *MARIA* nomen cordi suo impressum gestasse perscribitur.

*Singulari pietate ferri erga cor B. Virginis.*

*Marracci in anti-  
stibus Mar.  
pag. 453.*

*Deum in B. V. laudare.*

Idem *F. Bernardinus* eam in rem hanc praxim docet. omitto tamen quædam, ne sim æquo prolixior.

Benedicta sit diuina puritas, pro illa cordis, corporis, & intentionis ad gloriam diuinam ubique attentæ puritate quam concessit Beatissimæ Virg. Matri.

Benedicta sit pulchritudo diuina, fons pulchritudinum omnium; pro illa pulchritudine corporis & animi quâ B. Virginem Matrem ornauit.

Benedicta sit illa diuina sanctitas pro illa eminentia.



nentia sanctitatis B. V. concessâ quâ illam è terrenis ad celestia eleuauit, ita vt decebat DEI Matrem.

Benedictus sit sacer ille, sempiternus, ac diuinus amor, qui hanc Virginem ab æterno amauit, eiusque cor tanto erga DEVM & proximum amore impleuit.

Benedictus sit diuinus ille liber vitæ: in cuius capite, post IESVM, primo loco MARIA inscripta est.

Benedicta sit SSS. Trinitas pro donis omnibus, gratijs, priuilegijs, & fauoribus factis sacratissimæ huic Virgini; quod illam DEI Matrem fecerit, quod illam super omnes Beatos gloriâ coronârit; Regnam cæli ac omnium Angelorum atque Sanctorum dederit mundo, Matrem Ecclesiæ, peccatoribus aduocatam, ad impetrandum omnia quibus egemus.

*Catechismum de B. V. instituere.*

Idem appositè plane dialogum texit de B. V. quo duæ è doctrina catechetica personæ de ijs quæ ad cultum B. V. spectant ita colloquuntur, vt simul & ipsæ discant, & doceant audientes. Quâ industriâ facilius & ea quæ credenda, & ea quæ facienda sunt edocentur. Eademque familiari praxi modus de illa loquendi ostenditur.

*Gratias Deo pro B. V. agere.*

Ostendit ibidem praxim cum B. V. colloquendi, & DEO pro ijs quæ in illa elucet bonis, ac dotibus gratias agendi: diuinam misericordiam adorandi quæ illi tantum misericordiæ dedit, erga nos; rogandique Sanctos omnes, vt DEO, nomine nostro gratias agant pro omnibus ijs quæ B. Virgini præstitit. Tum verò ipsi quoque Virgini gratias reddendi pro ijs quæ nobis à DEO impetrauit: gratulandi illi de tantis DEI donis: desiderandi illam laudare spiritu & ardore Seraphinorum, & omnium spirituum, imò omnium ciuium supernorum; offerendi sensus omnes, & sua omnia illi ad gloriam

Filij



Filij illius IESV, & ipsius, eo modo quo IESVS & ipsa id desiderat: illi offerendi omne id quo nos, quo animæ in purgatorio, quo mundus eget; vt illa nobis ea impetret quæ ad illi seruiendum nobis necessaria sunt. Vitam Deiparæ rhythmicis modulis illic ligauit: quo de argumento Audomari P. Iosephus Cresnuellus edidit *meditationes inter recitandum Rosarium B. V.* Romæ P. Nicolaus Arnaya tractatum *de B. V. vita, excellentijs, festiuitatibus*: alium *de eiusdem virtutibus*, vt ait Marraccius.

603 Hoc anno S. P. Ignatius visus est coram B. Virgine quæ illi clientem quendam suum vnicè commendabat. Accepit quâ decebat reuerentiâ Reginae suæ nutum & commendationem Ignatius, ac liberaliter adpromisit se imperata facturum. Et videri aula, IESVS, MARIA, Ignatius desistere. Certè quot sunt qui accuratiore quodam nisu colendæ Virgini toti se impendant, tot sunt quos nobis commendat, & charos in paucis esse præ alijs vult MARIA. Imitemur Ignatium: & illos tanquam voce Virginis commendatos, ac illi charissimos, toto quo licet studio amplectamur; sitque perpetui nostri erga illos amoris cor, illos Virgini charos esse, id est, illis Virginem charam esse. Illos propter DEVM, DEVM propter seipsum amemus, iuxta illud Aristotelis omnium ore iactatum: Propter quod vnumquodque tale, & illud magis tale. *Hanc Matrem tuam, CHRISTI, ait S. Sabbas, dum generationes hominum omnes Beatam dicimus, te quoque magnificè predicamus. Thomas Athinas Coadiutor, ante initam Societatem singulis diebus Dominicis ad quoddam B. V. facellum exhibat propè Rothomagum, causâ consilij à B. Virgine capiendi.*

604 P. Ioannes Bordeus hoc anno vixit extremum.

S s

mum.



*Festa B.V.  
celebrare.*

*serm. de  
Nat. B.V.  
fol. 136.*

mum. Hic B.V. vigilijs infomnes ducens noctes, audiendis confessionibus operam dabat, velut intentus lacerando chirographo peccatorum quo se animæ dæmonis mancipant seruituti; memor è S. Fulberto Carnotensi etiam Theophilum illum peccatorem nocte Sabbati chirographum à Beatissima Virgine dæmoni extortum, supra pectus suum positum inuenisse.

605. Hoc anno Ingolstadij typis vulgata est P. Georgij Stengelij *Exegetis super Sacramenti Mariani formula qua se Sodales obstringunt.* in quam etiam P. Franciscum Pauonium meditationes edidisse ait Marraccius.

*obiit Goæ  
1620.*

*Aue Maria dicere  
in tenta-  
tione.*

606. P. Ludouicus Gonsaluius multâ prece in noctem vsque productâ, & vbertim lachrymans colebat DEI Matrem, cuius patrocinio tectam suam virginitatem aiebat, ita vt in omni licentia militari contra omnes & intus impuras imagines, & foris pericula illam seruârit illæsam, fœdis cogitationibus facillimè profigaris, pronunciatâ *Salutatione Angelica* magno sensu: idque sibi experimento perpetuo, exploratum fuisse aiebat. Eiusdem Beatissimæ Virginis beneficentiæ acceptum referebat, quòd in Societate nunquam fuerit id genus sordibus vllâ vnquam cogitatione pulsatus. Adeò felix est cliens Deiparæ vt vel vincat, vel ne oppugnetur quidem. *Fac me mitem,* orabat S. Casimirus, *pelle litem: compesce lasciuiam. contra crimen da munimen, & mentis constantiam.*

*in hymno  
omni die.*

*obiit 1620.  
9. Dec.  
Vide In-  
cit. 181. in  
fine.*

607. P. Iulius Vrsinus puritatis suæ curam omnem in B. Virginis manibus ingenti, & nunquam deceptâ cum fiduciâ deponebat: quicquid agendum susciperet, illi primùm committebat, vt id illa consilio suo auxilioque dirigeret. S. Ioannes Da-  
ma-



masceus inter odas illas omnes quas è Cryptæ ferratæ m. ss. à Mariano illo scriptore Hipp. Mar-  
 raccio magno fructu erutas sæpè laudo, Deiparam  
 sic orat: *Ab inhaerentibus mihi passionum sordibus  
 emunda me, ò pura; & illustra obsecro, cor meum demo-  
 num nigredine obtenebratum: ut beatificem te, ò diuina  
 felicitate beatissima Domina.*

fer. 5.  
ode 8.

608 Amstelodami quidam de Societate ab hæ-  
 retico Magistratu in fidei Cathol. odium in carce-  
 rem coniectus istic reum capitis nautam Catholicæ  
 fidei adiunxit. Educto ad supplicium cum idem  
 Pater adesse non posset, ea industria est adhibita vt  
 Sacerdos illum in loco supplicij opperiretur nulli  
 notus. Nauta verò per laicum hominem clam  
 submissum egregiè ad mortem instructus, edoctus  
 etiam est vt in loco supplicij *Angelicam salutationem*  
 clarâ voce pronunciarer; atque ad illa verba: *Ora  
 pro nobis peccatoribus* actum doloris de peccatis se-  
 rium eliceret, pro absolutione, quam illi id agenti  
 præsens in conferta turba Sacerdos impertijt. Huic  
 ergo *salutatio Angelica* data est pro tessera, & supre-  
 ma peccatorum abolendorum industria. Dicamus  
 nos hic de Virgine illud S. Bernardi: *O lampas lu-  
 culentissima, quantos latificasti!*

ann. 1620

Aue M.  
pro tessera  
penitenti-  
æ vii.

609 P. Petrus Vidal cubiculi sui portam, & pa-  
 rietes affixijs varijs ad B. V. precibus suæ erga Dei-  
 param pietati veçigales faciebat, & hortatores; vir  
 aliàs quoque magnâ virtute conspicuus.

oras. ad  
B.V. 10.2.  
fol. 403.  
obijt 1620  
Barcinonę  
Cubiculũ  
B Virginĩ  
dicare.  
obijt 1641  
Miracula  
B.V. scri-  
bere.

610 P. Petrus Bouillius hoc anno Duaci edidit  
 breuem & succinctam narrationem Miraculorum  
 Virginis Foyensis, quæ singulari DEI munere è late-  
 bris annosæ quercus enituit anno 1609. In Epilogo  
 Deiparam alloquitur verbis quàm tenerrimis, eam-  
 que hominum delicias, mundi ocellum, corculum,



amoris, nostræ compendium felicitatis vocat. Miracula sunt varia. Nullum inter omnia crebrius quàm herniosorum confanescentium, tibiæ bono vsui redditarum, oculorum ab imminutâ vel penitus extinctâ videndi vi laborantium in integrum restitutorum; etiam prole geminâ abortu effusâ vitæ restitutâ. S. Ioan. Chrysof. Mater, inquit, vitæ nostræ vitæ rescriptionem nobis attulit.

serm. in  
Nat. B. V.

obiit 1620  
lib. 2. c. 5.  
Illam excellentissimis modis colere.

611 P. Iacobus Alvarez de Paz agens de vita religiosè instituendâ tractat etiam de speciali inuocatione B. Virginis. dicitque illam per mentale exercitium quotidie inuocandam, excellentissimis titulis laudandam, nostram illi egestatem ostendendam, de illius bonis gaudendum; petendum ab illa ut à Filio impetret nobis quò verè illam & amemus, & colamus, peccata detestemur, victoriam de nobis referamus, virtutes Theologicas solidè possideamus, orandi dono excellamus, & ad finem vsque perseueranter perstemus. Et horum praxim fusè ponit. Et profectò debemus hisce inuitamentis cor incitare ad veram germanitatem amoris domesticis quoque erga DEI Matrem exemplis accensi. Hermannus ille Ioseph Ord. Præmonstr. sic illam alloquitur:

in hymno  
è cod. vet.  
m. s. Mar-  
raccij.

Gaude cuius post odorem.  
Cor mouetur ad amorem.  
Foues illud ne frigescat.  
Moues illud ne lentescat.  
Et dicis: cur non curritis?

obiit Romæ  
1621. 13.  
Aug.

Coronam  
B. V. noctu  
brachio,  
collo circumdare.

ANNO MDCXXI.  
612 Ioannes Carolus Berchmans primùm brachio circumdabat coronam B. Virginis cubitum concessurus, ut armillam auream; deinde collo appendebat: ut sic torquatus quiesceret, ac securus contra.